

NEAUTORIZIRANI TRANSKRIPT
40.SJEDNICE PREDSTAVNIČKOG DOMA
PARLAMENTARNE SKUPŠTINE BOSNE I HERCEGOVINE
održane dan 25.06.2004.godine sa početkom rada u 18:00 sati

PREDSJEDAVAJUĆI
MARTIN RAGUŽ

Otvaram 40.sjednicu koju smo dogovorili na sjednici Proširenog kolegija. Znači otvaram 40.sjednicu Zastupničkog doma Skupštine BiH.

/INTONIRANJE HIMNE/

Dobili ste dame i gospodo, dnevni red. Ima li potrebe za raspravom. Još jednom podsjećam da je Prošireni kolegij prihvatio ovaj dnevni red i da danas dakle raspravljamo samo o proceduri, o prihvatanju procedure i davanje suglasnosti za ratifikaciju važnih sporazuma za BiH.

Tko želi, doktor Živković

MILORAD ŽIVKOVIĆ

Uvaženi predsjedavajući, dame i gospodo, ja znam da smo svi umorni i ja sam isti, i rado bih išao kući ali ovo stvarno nema smisla da počinjemo jednu sjednicu i dnevni red otvramo a da niko od predlagača nije tu. Znam da se raspravlja o proceduri, ali dozvolite molim vas, da bi makar trebali zamjenici ili bilo ko od Vijeća ministara da bude tu, da mi objasni za pojedine tačke dnevnog reda, zašto se traži po proceduri.

Evo konkretno, da se ne bih javljao posebno za tačku dnevnog reda za Crveni krst, da mi se kaže, Zakon o Društvu Crvenog krsta, po kojoj osnovi se ovde traži procedura 104.?

Ja ne tražim od vas da mi to odgovorite, ali tražim od bilo koga ko je ovde zadužen za to, hoćemo li mi kao parlamentarci da se spustimo na taj nivo, da čak ni Predsjedništvo ni Vijeće ministara pa ni njihovi zamjenici, ni bilo ko ovde nama neće da priča o tome. Ja, dozvolite ne mogu da učestvujem u toku rasprave. Hvala.

MARTIN RAGUŽ

Hvala lijepo. Ja mislim da možemo ovu ocjenu koju je dao gospodin Živković prihvatiti, međutim mi smo se jutros odlučili da ovaj članak 104. Poslovnika ne izgubi na smislu, da čekamo još 15 dana, da se onda izjašnjavamo o proceduri, da se danas izjasnimo. Ovaj, tako da mislim da mi radimo radimo jednu korisnu stvar danas. Kroz proceduru 104. imaćemo priliku raspraviti i o razlozima zašto je ovaj, sadržaju zakona i utjecati na njih. I ovaj, mislim to je realno, ne uskraćujemo tu mogućnost.

Evo molim vas, dakle ima li još oko dnevnog reda, evo neko, recite gospodine Križanoviću.

JOZO KRIŽANOVIĆ

Gospodine predsjedavajući milim da i ja sam bio taj na Proširenom kolegiju koji je prihvatio da danas radimo na ovaj način kako ste obrazložili ali mislim da to ne amnestira predlagача da budu na sjednici kad se riješavaju ova pitanja. Jedno je što mi želimo da ubrzamo, da dobijemo na vremenu, a drugo je opet, ostaje ona obaveza predlagача i opet se vraćam na tačku 5. koju smo usvojili je li tako, danas..jer mi ne možemo izvršavati svoje zaključke, to je problem. Hvala.

MARTIN RAGUŽ

Hvala lijepo. Gospodin Čeman.

MIRSAD ČEMAN

Dakle, ovako, ja podržavam ipak da ovo ide, ako ništa iz praktičnih razloga. Prvo, slijedi rasprava na Ustavnoj komisiji jer to podrazumjeva ustavnom osnovu, biće najmanje deset dana dok dođemo mi u Komisiji u poziciju da o ovome ovaj, razgovaramo. Poslije ima petnaestak dana, petnaes tadan faktički za raspravu na nadležnoj komisiji.

MARTIN RAGUŽ

Gospodine Čeman, to smo utvrdili na Proširenom kolegiju koji je ovlašten za utvrđivanje dnevnog reda.

MIRSAD ČEMAN

..razlozi da prihvatimo danas stoje, a što se tiće prisustva drugih, okej, ja prihvatom ove primjedbe ali nisu znali ljudi kad ćemo početi.

MARTIN RAGUŽ

Molim vas, nemojte da se uvijek referiramo na druge institucije. Odlučili smo se na Proširenom kolegiju da ćemo danas uraditi ovaj posao iz odgovornosti Parlamenta.

Ima li prijedloga za dopunu dnevnog reda?
Gospodin Gligorić.

TIHOMIR GLIGORIĆ

Predsjedavajući, dame i gospodo, s obzirom da su gospodin i Živković i Križanović potpuno jasno rekli i ja stojim iza toga. Međutim, danas smo na Proširenom kolegiju se dogovorili o važnosti ovih tačaka dnevnog reda, o tome da dobijemo na vremenu a da istovremeno u ostavljenoj proceduri možemo samo poboljšati, iz te, zato sam samo ustao da kažem, da želim da riječ koju sam dao na Proširenom kolegiju održim i da ovo zaista efikasno završimo, bez potrebe za raspravu. Hvala vam.

MARTIN RAGUŽ

Hvala lijepo. Gospodin Živković, pa gospodin Zorić.

MILORAD ŽIVKOVIĆ

Uvaženi predsjedavajući, dame i gospodo, evo javću se još jednom iz razloga što shvatam važnost donošenja reformskih zakona i podržavam svu brzinu koja BiH je potrebna da bi donjela ekonomske zakone. Ali, volio bih ispred predlagača ili ispred Kolegija ili bilo koga ko je ovde zadužen da mi u ime predlagača ovaj, obrazloži zašto je tačka pod brojem 2. po članu 104. Poslovnika, to nije reformski zakon. To je zakon o kome je 2001. godine BiH kao društvo učlanjeno u Crveni krst, Međunarodni crveni krst. Pa četiri godine je ta organizacija radila bez ičega. To nije set reformskih zakona. Po čemu mi stavljamo ovu tačku pod a) pod b). Da li mi neko to može da objasni.

Evo i predlažem, kad sam već ustao, da tu tačku dnevnog reda pod broj 2. skinemo i molim vas da galasamo za. Hvala vam.

MARTIN RAGUŽ

Hvala lijepo. Gospodin Vinko Zorić. Pokušajte sad, pritisnite. Molim vas pokušajte još jednom.

VINKO ZORIĆ

...žurnom postupku, sukladno članku 104. a onda ipak točka 3. i točka 5. pišu u skladu sa ne članom nego člankom 104. dakle, umjesto da piše sukladno članku, piše u skladu sa članom vjerojatno, ja ovaj inzistiram i ovde da dnevni red dobivam na hrvatskom jeziku.

MARTIN RAGUŽ

...takav je dogovor bio ali kritika je apsolutno na mjestu. Želi li još neko oko dnevnog reda?

Imamo prijedlog gospodina Živkovića da točka 2. zahtjev Vijeća ministara za razmatranje Prijedloga zakona o Društvu crvenog križa BiH ide po članku, ide u redovitu proceduru.

Molim vas, ovo je poslovnički ispunjena točka, možemo se izjašnjavati o proceduri. Ako ne prođe ide u redovitu proceduru. Ne, ali izjašnjavamo se da li će točka 2. ići u redovitu proceduru.

NIKOLA ŠPIRIĆ

Da, ali oni su tražili izmjenu dnevnog reda a ne promjenu procedure i da se skine ta tačka

ŠEFIK DŽAFEROVIĆ

Ne može se skinuti jer je obavezna tačka dnevnog reda.

MARTIN RAGUŽ

Gospodine Živkoviću, ja sam vam rekao. Ona je ispunjena poslovnički i zato je stavljena na dnevni red. Pa pazite mi smo usvojili dnevni red, nema glasovanja o dnevnom redu. Mogu glasovati samo o prijedlogu gospodina Živkovića ako ga preformuliram. Izvolite, evo mislim o tome se radi.

Hvala lijepo, prelazimo na realizaciju dnevnog reda, a kad budemo na ovoj točki onda ćemo se odrediti o samom zahtjevu.

Dakle točka jedan,

Ad.1. Zahtjev Vijeća ministara za razmatranje Prijedloga zakona o izmjenama i dopunama Zakona o putnim ispravama BiH po članku 104.

Želi li neko raspravljati? Zahvaljujem se. Zaključujem raspravu.

Molim Dom da se izjasni o ovom zahtjevu.

Glasujte sad.

Sa 24 glasa za, bez glasova protiv i 1 suzdržanim, dovoljnom entitetskom većinom, Dom je prihvatio zahtjev Vijeća ministara da se Prijedlog zakona o izmjenama i dopunama Zakona o putnim ispravama BiH razmotri po proceduri članka 104. Hvala lijepo.

Prelazimo na točku dva to je,

Ad.2. Zahtjev Vijeća ministara za razmatranje Prijedloga zakona o Društvu crvenog krsta-križa po proceduri članka 104.

Ima li potrebe, ovde smo imali već raspravu zaključenu. Molim vas da se izjasnimo o ovom zahtjevu.

Glasujte sad.

Znači, ovaj prijedlog ima opću, ne entitetsku većinu. Znači,

/ZAJEJDNIČKA DISKUSIJA/

MARTIN RAGUŽ

Nikola, je li imamo suglasnost ili nemamo?

NIKOLA ŠPIRIĆ

Pa ja kažem, tamo piše u Poslovniku možemo se dogovoriti u roku od tri dana, dogovorićemo se.

MARTIN RAGUŽ

Dobro, član Kolegija nije za usuglašavanje sada nego u poslovničkom roku.

Prelazimo na, molim vas ja ću poštovati Poslovnik i nemojte da komentiramo drugačije i on i gospodin Špirić, to je poslovnička odredba i. Hvala lijepo.

Prelazimo na točku tri, to je

Ad.3. Zahtjev Vijeća ministara za razmatranje Prijedloga zakona o mineralnim gnojivima BiH po proceduri 104.

Ima li potrebe za raspravu?

Molim Zastupnički dom da se izjasni o ovom zahtjevu Vijeća ministara.

Glaujte sad.

Sa 23 glasa za, 1 protiv, 1 suzdržan, dovoljnom entitetskom većinom, prihvatili smo zahtjev Vijeća ministara da se Prijedlog zakona o mineralnim gnojivima BiH razmotri po proceduri članka 104. Poslovnika.

Prelazimo na točku četiri, to je

Ad.4. Zahtjev Vijeća ministara za razmatranje Prijedloga zakona o zaštiti novih sorti biljaka BiH također po proceduri članka 104.

Želi li neko oko ovog raspravljati? Hvala lijepo.

Molim Zastupnički dom da se izjasni o ovom zahtjevu Vijeća ministara.

Glasujte sad.

Sa 23 glasa za, bez glasova protiv, 1 suzdržanim, dovoljnom entitetskom većinom Zastupnički dom je prihvatio zahtjev Vijeća ministara da se Prijedlog zakona o zaštiti novih sorti biljaka BiH razmotri po proceduri članka 104. Poslovnika. Hvala vam lijepo.

Prelazimo na točku pet, to je

Ad.5. Zahtjev Vijeća ministara da se Prijedlog zakona o fito farmaceutskim sredstvima BiH razmotri također po proceduri članka 104.

Želi li neko raspravljati? Hvala lijepo.

Molim dom da se izjasni o ovom zahtjevu Vijeća ministara.

Glaujte sad.

Sa 22 glasa za, 2 protiv, 1 suzdržanim, dovoljnom entitetskom većinom, prihvatili zahtjev Vijeća ministara da se Prijedlog zakona o fito farmaceutskim sredstvima BiH prihvati, razmotri po proceduri članka 104. Poslovnika.

I imamo još

Ad.6. Zahtjev Vijeća ministara da se Prijedlog zakona o sjemenu i sadnom materijalu poljoprivrednih biljaka BiH razmotri po proceduri članka 104.

Želi li još neko raspravljati? Hvala lijepo.

Molim Dom da se izjasni o ovom zahtjevu Vijeća ministara.

Glasujte sad.

Sa 24 glasa za, bez glasova protiv i 1 suzdržanim, dovoljnom entitetskom većinom, prihvatili smo zahtjev Vijeća ministara da se Prijedlog zakona o sjemenu i sadnom materijalu poljoprivrednih biljaka BiH razmotri po proceduri članka 104. Poslovnika.

Prelazimo na točku sedam, to je posljednja točka današnje 40. sjednice,

Ad.7. Davanje suglasnosti za ratifikaciju

Predlažem Domu da u paketu damo suglasnost za ovo. Možemoli prihvatiti, ima li neko protiv? Nema.

Molim Dom da se izjasni o davanju suglasnosti za tarificiranje pod

- a) Sporazuma koji se odnosi na pripremu i obavljanje usluga zračnog prometa i korištenje uređaja od strane euro kontrola u Kontrolnom centru za kontrolu zračnog prometa Centralne Evrope,
- b) Sporazuma između Republike Moldavije i BiH o izbjegavanju dvostrukog oporezivanja i sprečavanja utaje poreza u odnosu na poreze na dohodak i kapital i pod
- c) Ugovora o slobodnoj trgovini između BiH i Republike Bugarske i pod
- d) Europske konvencije o prekograničnoj televiziji sa Protokolom o izmjenama Evropske konvencije o prekograničnoj televiziji.

Molim vas da se izjasnite glasovanjem sad.

Konstatiram da je Zastupnički dom jednoglasno bez glasova protiv, suzdržanih, dao suglasnost za ratifikaciju navedenih sporazuma.

Zahvaljujem se zastupnicima i zaključujem rad 40.sjednice Zastupničkog doma Parlamentarne skupštine Bosne i Hercegovine. Hvala lijepo.

Sjednica završila sa radom u 18:30 sati.